



Claudii Fleurii Abbatis Historia Ecclesiastica

Ab Anno 483. Usque Ad Annum 561.

Fleury, Claude

August. Vind. [u.a.], 1759

VD18 90117824

§. 61. Pelagii obitus. Joannes III. Papa.

[urn:nbn:de:hbz:466:1-66066](#)

Sæculum VI. nachis prohibet. Interulas lineas non
 A. C. 559. induant. Abbas Monasterii mancipium
 manumittere non possit, nisi omnes Fra-
 c. 31. tres consenserint. Inde despicimus, fuisse
 c. 36. ipsis Servos. In Monasterio Baptismus
 c. 15. non conferatur. Hæc mihi in Regula S.
 Ferreoli memoratu digna visa sunt. Etiam
 aliquos Libros Epistolarum, Sidonium i-
 mitatus, composuit, & usque ad annum
 581. superstes fuit.

§. LXI.

Pelagii obitus. Joannes III. Papa.
 Regem Childebertum hac vita defun-
 ctum brevi secutus est ad alteram Pe-
 lagius Papa, nempe secunda die Martii
 anno 559. cum S. Sedem occupasset annis
 tribus, & Mensibus decem. Duabus Or-
 dinationibus Mense Dec. creaverat Pres-
 byteros 26. Diaconos 9. Episcopos 49.
Lib. Pont. Successorem habuit Joannem III. cogni-
 mento Catellinum, Filium Anastasi, illo-
 rum ex Ordine, qui Illustres dicebantur.
 Sedit annis ferme tredecim. Pelagius
 Papa extremo vitæ tempore Ecclesiam SS.
 Apostolorum Philippi, & Jacobi ædifica-
 re cœperat; hanc Joannes Papa perfecit,
 multasque ex veteri Historia Res gestas
 partim opere vermiculato, partim peni-
 ed. de 6. ar. cillo exhiberi curavit. Eandem etiam de-
 n. 4518. dicavit; unde, conjectura est, consuetu-
 t. 1. Maji. dinem prima die Maji amborum Aposto-
 lorum Festum celebrandi traxisse origi-
 . 28. nem

nem. Joannes Papa Cœmeteria Marty- Sæculum VI.
rum restauravit, & auxit. Item præce- A. C. 559.
pit, ut Ecclesia Lateranensis singulis die-
bus Dominicis Panem, Vinum & Cereos il-
lis Sepulchris suppeditaret.

§. LXII.

Cassiodorus.

Joannis Pontificis ætate Cassiodorus ul-
timus Senio confectus obiit, vir celebra-
tissimus. Is ex nobilissimis inter Roma-
nos stirpibus genus dicens, Scyllacei in
Calabria circa annum 470. natus, sub
Theodorico Rege publicæ rei Administra-
tor, anno 514. Consul, sub Athalarico
Theodato & Vitige Præfectus Prætorio
fuit. Post tristem hujus Principis casum
circa annum 540. reliquo Mundo jam se-
ptuagenarius recepit se in Monasterium
Vivariense, quod in uno prædiorum suo
rum haud procul loco, in quo lucem pri-
mo aspicerat, ædificavit. Pelena mo- *Divin. leff.*
dicus amnis illam oram alluens rigandis *c. 29.*
hortis aquas dabat, & Molendinum mo-
vebat. Tam prope erat Mare, ut Mona-
chi facile piscari possent, atque sub radici-
bus montis vivaria custodiendis piscibus
humano labore paraverant. Fontes quo-
que aderant, quæ aquas bibituris, & bal-
neum lavantibus tam vegetis, quam æ-
grotantibus præbebant. Nec opus erat
Monachis ut exirent, cum vitæ subsidia
intra